



Sensibilité politique
Boîte postale 83
L-7201 Bereldange

Fernand ETGEN
President vun der Deputéiertechamber
19, um Krautmaart
L-1728 Lëtzebuerg

Lëtzebuerg, den 23/08/2019

Här President,

Sou wéi den Artikel 83 vun eisem Chambersreglement et virgesäit, bieden ech lech, dës parlamentaresch Fro un de Minister fir Gesondheet weiderzeleeden.

Eng Rei vu medezineschen Exame si fir de Patient mat enger erhéichter Stralebelaaschtung verbonnen a sollten dofir net zwecklos zum Asaz kommen. De Projet CARA (Carnet Radiologique) bzw. den CRE (Carnet Radiologique Electronique) soll et an dësem Kontext erméiglechen an engem zentralen Dossier d'Resultater vu sämtleche radiologeschen Analyse vun engem Patient ze späicheren, fir ze verhënneren, datt et zu onnéidege Radiatioune keim, well déi eenzel involvéiert Dokteren net iwwert d'Prescriptiounen an d'Resultater vun hiren Aarbechtskollege Bescheed wéissten. Gläichzäiteg kann esou ee Carnet sécherstellen, dass kee Patient enger ze héijer Stralebelaaschtung ausgesat gëtt, well d'Oplëschtung vun den Analysen et den Dokteren erlaabt, ze iwwerwaachen, dass den annuelle Grenzwäert net iwwerschrott gëtt.

An deem Zesammenhang wéilt ech dem Minister dës Froe stellen:

1. Kéint de Minister kuerz beschreiwen, op wéi engem Stand d'Aarbechten um Carnet Radiologique aktuell sinn?
2. Wéi eng spezifesch Informatiounen ginn am Carnet Radiologique festgehalten?
3. Wéi vill Persoune besetzen aktuell schonns e Carnet Radiologique?
4. Ass domat ze rechnen, dass de Carnet Radiologique bis zum Ënn vum dëser Legislaturperiod wäert flächendeckend Uwendung am Land fannen?
Falls nee: Wisou net?
5. Wéi garantéiert de Gesondheitsministère, dass dat betraffent Personal an engem Spidol iwwert déi spezifesch Stralebelaaschtung, déi mat verschiddegen Analyse verbonne ass, informéiert ass?
6. Wéi garantéiert de Gesondheitsministère, dass de Patient iwwert déi spezifesch Stralebelaaschtung, déi mat verschiddegen Analyse verbonnen ass, informéiert gëtt?

Gëtt et zum aktuellen Zäitpunkt eng Broschür, an där d'Patienten detailléiert Informatiounen iwwert d'Héicht vun der Stralebelaaschtung vu verschiddegen



www.piraten.lu

medezineschen Examen noliese kënnen?



Sensibilité politique
Boîte postale 83
L-7201 Bereldange

Mat déiwem Respekt,



CLEMENT Sven
Député



www.piraten.lu